



am. Flor.

Barthol. Petri: Arapapetoz in oratio
ostendens virt. boni occasionem esse a noxa
tutum, quam ad diem funeris frater flor.
Lebrydowski conscripuit.

PANEG. et VITAE
Polon. Fol.

N. 1752.

Biblioteka Jagiellońska



stdr0000269

ANAMAPTITOS

S I V E

O R A T I O

Ostendens

VIRI BONI OCCASVM
ESSE A NOXA TVTVM,

Q V A M

Ad diem Funeris

Illustrissimi & Magnifici Domini

D. FRANCISCI FLORIANI

A

ZEBRZYDOWICE

ZEBRZYDOWSKI,

CASTELLANI LVBLINENSIS,

In noua Korczyn, Szerefzouiensis, &c.&c.

P R Æ F E C T I,

PETRVS BARSZCZ *Art: & Philosophie in Alma*
Vniuersitate Craconiensi Baccalaureus

CONSCRIPSIT.

Anno Iubilæi M. DC. L. die 3. Nou:

C R A C O V I Æ.

Apud LVCAM KVPISZ S. R. M. Typographum.

In
Insigne
Augustæ Domus
Z E B R Z Y D O V I A N Æ



Et pietas cultum, præsens & Ciues in armis
Auxilium referunt. Raduane sole tuo
Gens ZEBRZYDOVI felix, quæ stemmate gaudes
Tam claro ! meritis sed petis vsq; polos.
Cumq; poli virtute tuâ lætentur & Orbis.
Et nobis viuas: semper amica precor.

C R A C O V I A

Amo 1754. Typographus S. R. M. Typographus



A D

Illustriſſimum & Magnificum Dominum,

D. MICHAELEM NICOLAVM

A

ZEBRZYDOWICE

ZEBRZYDOWSKI.

Supremum Regni Poloniae Enſiferum

Lanckoronensem, Sniatinensem, &c. &c.

P R A E F E C T V M.



*Ideatur sanè meas vires hoc munus excedere, quo ILLUSTRIS-
SIMI FRANCISCI FLORIANI ZE-
BRZYDOWSKI, Castellani Lublinen: &c. &c. Ca-
riſſimi Fratris tui mortali vitâ functi laudes, futuris quoq̃
celebrandas, ieiuno apparatu quamvis, candido affectu
contendo lucem in publicam producere, ILLUSTRIS-
SIME DOMINE: nihilominus & officij mei necessitate cogente, & tuo re-
conditori in illum studio, quodammodo exigente, tam præclari viri decessum,
crudo adhuc dolore, non potui silentio tenere. An autem non aquisſimum cen-
ſendum, pios illius Manes, mæſtis laudibus à quoquam ornari debere? qui ſu-
perſtes, eximiis virtutibus, egregiam operam nauaſſet. Et ſatis forſan non ne-
mo putaret, iuſta præconia tanti Senatoris animi conſternatione celebrare:
cum non relinquatur locus cuiusquam prædicationi, dum vitæ ipſius gloriam,
nobiliffima paſſim declarent monumenta: Verum enim quò magis (eſto ille
naturæ lege ſit reſolutus) in eorum ſenſus, quibus ſua non innotuerat dignitas,
ipſius memoria fama q̃ veniat, & merita, nominis q̃ amplitudo, perennitati
cuidam confeſcentur; hunc ego ſcribendi laborem non inuitus ſuſcepi. Præ-*

terea impatientes dispendij sui amici, inusitato contabescunt dolore: familiares, excessum eius merentes, post Fata quoq; solatium, de honore impertiunt virtutis: Cliens ego, & quemadmodum illius olim, aequè vt tuum, ita modo tuum semper Patrocinium, **ILLVSTRISIME DOMINE** spectans, quid est, cur non in nominis eius diuturnitatem, ad posteros literis propagandam conspirem? Neq; verò puto, hoc eum indigere laudis genere, qui hominum Elogia, dum in humanis degeret, vt variis mortalium Sententis obnoxia, egrè admittebat: quia verò, bonorum ornamentis incitatur imitatio, & virtus, amula alitur exemplo honoris alieni, (vt inquebat eloquentissimus Symmachus) quamobrem quin ab eiusmodi argumento abstinerem, non potui mihi temperare. Et abierint cum illo suæ honestæ actiones; iudicium profecto post mortem non potest non perseverare. Scilicet, quisquis viuens in ore plurimorum, ob egregiè facta versatur, nominis eius memoriam, & rectè gestorum æstimationem, in animis fauentissimorum, incredibile sentirem non retineri. Illam ego, Carissimi Fratris tui, prudentisq; Senatoris, dum memoribus fastis, extendi cupio maxime; vt de illius bonis Manibus mereri, ita tuam **ILLVSTRISIME & MAGNIFICE DOMINE** beneuolentiam, tuum fauorem, tuum singulare Patrocinium, mihi rebusq; meis æstuo promereri.

Illustriss: & Magnif: Dominationis Vestræ,

Cliens Deditissimus.

PETRVS BARSZCZ.

**Art: & Phil: in Alma Vniuersitate
Crac: Baccalaureus.**

Vidco



Ideo multos, vehementis impetū doloris, ob fa-
 talem diem Illustrissimi olim Domini FRANCI-
 SCI FLORIANI à ZEBRZYDOVICE ZE-
 BRZYDOW KI CASTELLANI Lublinen-
 &c. &c. in indignationem abripi. Video non
 paucos, ob præmaturum suum è humana con-
 uersatione discessum, plus æquo acerbius commoueri. Est hæc
 non ingrata beneuolentiæ contestatio, sibi communione san-
 guinis deuinctis; quibus ille & naturā carus, & plurimis obser-
 uantiæ, humanitatis & obsequij studijs commendatus vixit. Le-
 nit duritiem inusitati mæroris, Illustrissimi Fratris, quem illi
 præter aliorum amicorum, densata funera, mansuetudinis ex-
 pertes Parcæ, eius etiā qui sibi magis fidus, quā Theseus
 Herculi, aut Achates Æneæ fuisset, lethali decessu impresserunt.
 Quanquam non desinit, tamen asperitatem eius mitigare po-
 test, in animo Optimæ Coniugis, non minùs, quā Plotina o-
 lim Romana, in necessitate dulcis mariti laborantis. Carissimi
 liberi, dum sibi tutamen effractum, solatium ereptum, lumen
 extinctum, decus, splendoremq; plus quā densis nubibus in-
 uolutum ingemiscunt: in tanta tristitiæ magnitudine, quodam
 modo videntur releuari. Scilicet fidorū amicorum lachrymis, in
 afflictis rebus molestiæ mitigantur: ægritudo sensuum, eorum
 consternatione minuitur: supremæ calamitatis affectiones, fo-
 menta recipiunt consolationis. Abundè itaque suauis est ami-
 corum præsentia, & in prosperis rebus, & in aduersis; quæ & ho-
 mines probat: & mærores ac luctus comunicans, participantq;
 facit leuiores. Enimuero, quam salutaris medela conturba-
 tæ mentis? *Contra mortem, omnes homines, inhabitare Ciuitates,
 immunitas: Vita functos amicos habere aut nobis similes, aut etiam
 meliores.* Quid? *Quod nec nostra quidem consuetudine, diu cari-
 tati sunt;* quibus eò, sententiā Iudicis æterni, vicissitu-
 dinis nesciā, commigrandi definita necessitas. Parua hæc: at
 certè, cum bonorum occasus, non mors, sed vita, censeatur esse:
 quam grande in miseria solatium, in periculis animi robur, in lu-
 cta, victoriæ præsagium, in omnibus asperis, felicitatis futuræ
 documentum, est habendum. Fortunata dies, quā homines tæ-
 dijs, morbis, dolis, fortunæ impotentis comminatione, eximun-
 tur! fortunatior, quā initium immortalitatis, nullis circumscri-

ptæ cancellis, homines nanciscuntur! Sed fortunatissimus vitæ
mortalis decursus, cui priora, veluti solidiora virtutis præmia,
coelestium iudicijs incolarum, deferuntur: & illius gloriâ, poste-
ritatis animi ad hoc studium, cū perenni fama transigendum, ac-
cenduntur. Memorandum etiam in terris, Illustre nomen FRAN-
CISCI FLORIANI ZEBRZYDOVII, Amplissimi Senatoris,
qui sic totam temporis huius propagationem, peragebat; vt o-
ptatam attingeret felicitatem. Si enim in primis Patriæ incolumi-
tatis amorem, si publicæ integritatis ardorem, in eo considera-
bimus: nemini eum, ex illorum numero, quos aut Athenæ cele-
brauerunt, aut compendium totius Orbis Roma suspexit ali-
quando, numinisque virtute quadam præditos, putauit, egregi-
js factis, secundum agnoscemus. Dulces illi molestiæ fuerunt,
quibus Reipub. nitebatur parare iucunditatem: minimè tædiosi
labores, quos ad publicum bonum libenter subibat, vindican-
dum: pretiosa Ciuium salus, quam propriæ anteponebat inte-
gritati. Etenim, vt omittamus, quantum in illis rebus, ex quibus
non minor fama ad Rempub: quam ad eum ipsum perueniebat,
Magnificentia studuerit: quantum pro maiestate & cultu, Sere-
nissimorum Principum, WLADISLAI IV. olim, & felicissimè
habenas, Augusti huius Regni moderantis IOANNIS CASI-
MIRI, egerit: illa nimium quam vulgata, quia difficultatibus
nullis, ab honestatis propagatione, deterri potuerit: caritatem
& iustitiam, libertatem & mansuetudinem, candorem & fidem
vnice coluerit: clementiam, magnanimitatem, & propensionem
in omnes exercuerit: ac vel his exornatus, dignum se immorta-
litis trophæis exhibuerit: vt hæc inquam prætereamus, quanti
momenti sit illud, dum his deplorandis temporibus, non magis
ad consulendum communi tranquillitati, quàm ad comprimen-
dambustuariorum audaciam acris; neque magis ad suadendum
quæque grauissima, publici boni gratiâ, in sententia expeditus;
quam ad subeunda, cum propriæ quoque vitæ, fortunarumque
dispendio, fortis extiterit? Atque sentirem ego, solam etiam tam
generosi sanguinis rationem facere, quàm maximè, & antecellere
pulcrum, & commendari iucundum, & vigere sanum, & viuere
gloriosum, nuncupemur. Quippè si Thaleti, ingenio prompto,
iudicio graui, & vsu commendatissimo habenda fides: hæc ani-
mi celsitudo, potissimum eos, qui Martis alumni, Herculis æmu-
li, Iouisque progenies haberi cupiunt, decet: hæc, si nominis tenen-
tur desiderio, perpetuum decus, si amplitudinis, incredibiles fa-
cultates, si dignitatis, literarum monumentis, non moritura po-
sterita-

steritati, commendandos titulos, consequuntur. Felices, qui hoc vnum, domi, foris, in pace, & armis meditantur! quæ nam ratione, maximè, & graues cum animo, & prudentes cum iudicio, & feueri cum moderatione, & obseruandi cum authoritate, & formidandi hostibus, & colendi suis reddantur? At enim, quis non totus solueretur in risum Democritus, si plures malle, ex ære, Lisyppei industriâ sculpi, quam animi magnitudine, præcellere, inueniret? plures Praxitelis, commendari laboribus, aut Apellis, Zeuxisue, penicillis: quam egregijs in Patria salute defendenda, fortunis Ciuium propagandis, atque carissima libertate vindicanda? Viueret hac tempestate sapiens Antisthenes! quam ægrè contineret risum, Leones in Lepores, Aquilas in Nicticoraces, degenerasse? Adesset lumen totius Græciæ Demosthenes, quæ non tonitrua, quæ non fulgura, vel fulmina in eos vibraret, quibus, ingens cura comparandi, quæ ad videndum faciunt: nulla sollicitudo conquirendi, quæ ad benè beateque agendum conducunt? quibus totum studiū vt laurè, splendide & sumptuosè, nulla diligentia, vt moderate, humaniter, generosè, & commodè viuatur? Quàm non iniuriâ Mantuani Poætæ perstringerentur dictis.

*O vera Phrygiæ (neq̃ enim Phryges) ite per alta
Dyndima; ubi assuetis biforem dat tibia cantum.
Tympana vos buxusq̃ vocat, Berecynthia Matris
Idææ: sinite arma viris & cedite ferro.*

Sed enim nullus tam feuerus Cato, nullus adeò grauis Aristarchus, nullus superciliosus Vranoscopus, eorum quicquamquæ sibi displicerent in hoc Amplissimo viro deprehenderet; Scilicet, euaserat illorum censoriam virgulam! Nam omnem suam industriam, honestati impendebat: facultates animi, publicæ commoditati, mancipatas esse cupiebat: generosum animum ab auitis, inclytæ suæ familiæ moribus, & meritis, nequaquam alienum, eximijs conficiendis facinoribus, componebat. Et non responderint aliquando votis optati euentus; non ille succumbebat, verum illâ mente cœlesti, contra nimium ardua adnitebatur: atque sic molem negotiorum susceptam, omnium cum applausu, & ominis fausti, comprecatione, viriliter sustinebat. Quid illud, quod animus illi, nec inuidiâ flagrârit? nec odijs æstuârit? nec fastu arrectus fuerit? Cum quemadmodum lucem solis omnibus eminere conspiciamus; ita hic rebus in illis, quæ magnorum quorumuis etiam, illaqueare consueuerunt honestum, in præclare agendis institutum, incredidibili splendore

virtutis excelleret: atque viuendi cursum veluti lenimen in as-
 peris, condimentum in acerbis, robur in onerosis, telum expe-
 ditissimum in necessitate, solatium in aduersis, tutamen in peri-
 culis, victoriâ & trophæum in discrimine possideret. O fortunatum!
 Nam eiusmodi studijs, non tantum sibi commodus, verum &
 magnis viris commendatus, Ciuibus gratus, Serenissimis vero
 Poloniae Regibus WLADISLAO IV. sempiternae gloriae mo-
 numentis celebrando; & Potentissimo ac felicissimo IOANNI
 CASIMIRO (cui diuturnum Imperium, & vita perpetua!) ac-
 ceptissimus: & cum singularis beneuolentiae documentis; tum
 imprimis, adscriptione in Amplissimum senatoriae dignitatis
 Ordinem, probatissimus extitisset. Agnouerunt & alij multi ra-
 rioris in eo specimina dexteritatis; dum nullius fortunas, quod
 magis Heros sentiretur, oppugnaret: in neminem vim atque pote-
 statem suam, quod fortior haberetur exploderet: dum omnes iu-
 re humanitatis, candoris, mansuetudinis prosequeretur: dum
 Principes obseruantiam, bene meritos amore, familiares comita-
 te coleret. Ac vixisset nostris temporibus Milo Crotoniata, for-
 tass indignaretur conditionem propriam: plurimum autem
 huic, Amplissimo Senatori gratularetur; quoniam felicitatem
 non viribus corporis, quod turpe, ingratum, & belluinum;
 verum animi vigore, quod honestum, iucundum, & huma-
 num est metiebatur. Nec prudentissimi Viri, Bellicosissimi
 Principis, in sago & toga spectatissimi Herois Pausaniae, co-
 hortationi hic relinqueretur campus. *Præstat hominem multi esse
 pretij, quam possidere pretiosa.* Constanter quippe ille vniuersa, non
 absimilis fluxibus aquarum certitudinis, se & virtutibus, qui-
 bus cultus & ornatus esse conabatur, inferiora ducebat. Vnum
 quod cum honestate, cum victura multas in ætates fama, cum
 perenni quoque gloria coniunctum bonum, existimabat: vnum inquam
 hoc, in quo vires suas exerceret, & cui procurando indolem su-
 am præclaram, & penè cœlestes dotes consecraret, dies & no-
 ctes cogitabat. Atque censuerim ego, dignum extitisse, cui quo-
 que post fata, eam, quam præditus vixit & luxit, gratulemur fau-
 sitatem. Neque abnuerem cunctis exoptandam esse, tantam,
 quantam hic priuatim cautus, publicè venerandus, in periculis se-
 curus, contra hostes, hostesne an parricidas appellem? sed par-
 co dolori, fortis agnitus viuere, generositatem! An vero, quis
 tam iniquus rerum æstimator inuenietur, qui non parem com-
 mendatione, ad Augustam Zebrzydouiurum Familiam specta-
 re, ut ipsam impertimus, arbitretur? Nimirum, celebratur fa-
 cundi-

cunditate tellus: agris percepti fructus multum conciliant fa-
uoris: vineam generosi ac optimi succi officinam, nec ipse Ana-
charsis scythes, non collaudaret: Augusta Domus Zebrzydouia-
na, fœcunda Illustriū Virorum progenie, Insignis fortium Bella-
torum alumni, clarissima Nobilissimorum Patriæ Ciuum fre-
quentiâ, quanta sibi laudis & prædicationis elogia vendicet; si
Demosthenis robur possiderem, non sustinerem eos percensere:
si Tullij flexanimam Eloquentiam callerem; eorum merita, ne-
quirem explicare: si Isocratis Ambrosiâ conditissimos lepores
haberem, satis ad celebrandam gloriam Herôum illius, elegan-
tiâ destituerer dictionis. Etenim existat modo sapientissimus a-
liquis Socrates, quinon Xenophontem (vt ille quondam) at
Ciuem Polonum interroget, Vbinam boni viri, id est animo
generosi, graues consilio, flagranres libertatis communis, vin-
dices iustitiæ, propagatores finium Reipub. extirpatores Hære-
sūm, propugnatores fidei, cultores religionis, maximè inueni-
rentur & florerent? Equidem non cunctaretur cum Xenophō-
te confestim respondere, neque se diceret nescire: sed Illustrem
Zebrzydouiorum Familiam & libens indicaret, & talium homi-
num eam esse veluti quoddam seminarium, luce palam pro-
clamaret. Vt autem vetustissima taceam, quæ fera intuebitur
posteritas: quis vel ex his, quos, aut vidimus nuper, aut quo-
rum iucundo vitæ spiritu, modo delectamur; aut demique ex
hoc ipso Magnanimo viro, cui supremum humanitatis & pie-
tatis exsoluimus officium, non tantum non intelligit, ac planè
non sentit? Magnus enim ille, vixerit sibi, perutilis Patriæ,
honoris & decoris publici, perquam studiosus; nihilominus
quin aliquaparseorum, quantacundq; sunt, in Familiæ suæ or-
namentum referri debeat, haud inficiandum. Scilicet, que-
madmodum radij solis etsi contingunt terram, tamen ibi sunt
vndè mittuntur: non absimili ratione viuas immortalī glo-
riâ conspicuus, illius originem ad eos, à quibus vitæ iu-
cundum hausisti spiritum, pertinere nequaquam pōtes negare.
Augustum nomen illorum, & æternis celebrandum laudibus,
quos benigna Parens Natura, de tam insigni Gentis amplitudine
produci voluerit! An non beata Respublica, cuius hæc in fi-
nū, seu amænissimus paradisus plantata: & varijs non iam ar-
boribus, ast hominibus, nec fluminibus, ast virtutibus, nec
floribus, verum cælestibus dotibus refertissima deprehenditur?
Hæ nimirum solidæ ac genuinæ deliciæ Rerumpub. sunt: hi
fragrantissimi spatiosum per mundum odores: hæc ornamenta,

nunquam mentibus elidenda; sed ad inspiciendum ac imitan-
dum siuè cedris carie vacuis, siuè roboribus à vicissitudinum
tempestate liberis, siuè deniq; marmoribus ætatem ferentibus
incidenda. Prognatos autem hinc, (tametsi fatali succubue-
rint necessitati) nunquam deletos & extinctos esse, ast peren-
nem agere vitam, & optatum attigisse portum, ad quem toto
curriculo miserrimi huius temporis propagatione anhelabant,
existimandum. Virorum enim bonorum exitus, non mors at
initium vitæ est. Illius vitæ, quam Messadanus olim non incul-
tus Vir, infirmitate vehementiori correptus, vt suspexisset, non
dolores, amicis se visitantibus, explicabat: non de affecta vale-
tudine, non de exhaustis viribus, conuulsis artubus, insomni-
bus noctibus, molestijs, tædijs, querebatur: Verumenimue-
ro tunc demum optimè secum agi, tunc Numen sibi propiti-
um adesse, tunc se sensuum vigorem recepisse, gloriabatur.
Sapientem hunc, quis rectè sentientium non iudicaret? at e-
nim longè antè hunc, eum vitæ statum, post immutationem
præsentis, Diuinus ille Plato, præuiderat: qui ne in sum-
mi quidem montis Athos dicti verticem, causa valetudinis,
vbi tegi valeret, transmigrandum sibi decreuerat. Nonne par
animus, Græcorum Oratorum Principi, in subeunda fortiter fa-
tali necessitate? Quid enim illud est, cum Philippi minas a-
troces, & districtos Cinaces contempserit, nec suo capiti ti-
muerit, & liberè, & plus quàm Oratoribus concessum, caput,
Si Philippus abscindi iusserit, gratam Patriam, illud donaturam
immortalitate responderit? O. incredibilem animi fortitudi-
nem bene viuentium, ad periculosissima quæque tentanda &
perferenda! O metuendum & formidandum occasum, il-
lis, qui nihil in vita, præter communem hanc nobis cum ani-
mantibus, vitam senferunt! Qualis putamus eius Laconis fue-
rit dolor, qui nullis dignis famâ rebus editis, mori debuisset?
Verum hanc, vt ingloriam taceamus. Cuius momenti Cor-
nelij Scipionis morientis vox? IMPERATOR BENE HA-
BET: Bene habet, nam mors requies ærumnarum, luctus
& miseriarum extinctio, cunctorumque malorum dissolutio
est. Bene habet, quia inter mortem & vitam, cum vtraque
res sit æque, secundum naturam nihil interest. Bene habet,
quia non imbellium, sed fortium nec meticulosorum, sed Ma-
gnanimorum, hominum est, vt Principium, in arduis negoti-
is, animosè inchoare, medium, laudabiliter & constanter per-
ficere, demum, exitus gloriose terminare: nec amplius de vita
hac

hac breui, fugaci, incerta, plena tædiorum, plena calamita-
 tum & anxietatis, miserabiliter queri; verum de illa superna
 quam nulli circumstant hostes, nulli concutiunt turbines,
 nulli conficiunt metus, iucundissimè lætari. Stupendum! Olor
 ille Socraticus, veluti Diuinitatis cuiusdam particeps, vt pri-
 mum voluptates illius vitæ præsensisset, ita totus à se ipso di-
 citur fuisse abreptus, quo minus dolores præ gaudio, amaritu-
 dinem præ dulcedine, asperitatem præ suauitate, supremum
 attingens diem sentiret. Deus bone! quid non hominibus,
 piè, sanctè, religiosèque viuentibus, dum cœlitus vel infir-
 mitate, vel casibus innumeris, vel multiplici genere causarum,
 aut euentuum monentur, futuri tandem exitus: quid non in-
 quam illis faciendum? Naturamné cum Theophrasto culpa-
 bunt? fauentiorem Coruis & Cornicibus esse indignabun-
 tur? O utinam sapiant! & cum postremum diem, sibi quo-
 tidie videant instare; *crastinum* nunquam, cum integerrimo
 Messodano, habeant: causamque moriendi, post quam vide-
 rint imminere, lætabundi, non tamen exemplo Cyrinacei
 Hegesiæ, aut Ambrocinatæ Cleombroti, sententiam fati supre-
 mam accipiant. Sed arguant ignaui mortem diligentia? Da-
 mnent eam scelerati immanitatis? quæ non miseretur inopiæ,
 non reueretur diuitias, non sapientiæ, non moribus, non de-
 nique ætati parcat. Accusetur illa fraudis, cum nunquam pi-
 scator, hamum ita piscibus inijcit, nec sic dolosè auceps retia
 tendit auibus, vt illa sexus cuiusuis conditionem, & omnem
 ætatem, cuniculis adoritur: congerant innumera in eam con-
 uitia, qui nihil in vita egerunt, quod eos in morte consolaretur:
 Amplissimus Vir FRANCISCVS FLORIANVS ZEBRZY-
 DOVIVS, quia nullis in occasionibus, caritati & libertati Pa-
 triæ, fortunis ac saluti Ciuium defuit, quinimo, semper his
 prodesse, nunquam obesse contendit; proindeq; egregijs pro-
 meritis omnium studijs beneuolentiæ, celebris, portum, vni-
 cuiq; in hanc lucem edito, penitus petendum & calcandum,
 attigit: quid putamus? an non vt Theramenes quondam, au-
 dita ab Ephoris lethali sententiâ, sic ille cognito fati firmo e-
 dicto fuerit lætatus, & illud identidem repetierit: **HONESTE**
MORI NON CONTINGIT, NISI VIRTUTE PRÆDITIS.
 Decuit illum tam strenuè decedere, cuius virtutes, non tene-
 bris involutæ delituerunt; verum in Clarissimo Reipub. thea-
 tro, floruerunt. Potuit nullis Aquilonibus, hostili rabie concit-
 tari tunc maximè solitis, terreri; quum Sacrosanctam religio-
 nem,

nem, inprimis adnitebatur venerari. Nimirum, adeò Diuini honoris flagrans extiterat, vt non compositis ad applausum vel contentionem verbis, aff integerrimo pietatis sensu, Maiorum suorum more, Cælestium incolarum cultum promoueret: nec in grauib. Reipub. causis peragendis, tantum humanæ prudentiæ, vel ingenij solertiæ, quantum cultui in superos, & illorum obseruantia religioſæ, tribueret: & nequaquam arduorum auspicatum fore principium prius, quàm cæleste interno mentis affectu sentiret præſagium, iudicaret. Atq; fuit illi hæc lex & nata, & scripta: eam enim & didicit, & accepit, & legit, & ex natura ipsa arripuit, hausit, expreſſit, ad quam, & doctus, & factus, & institutus, & imbutus, fuit: vt in summis, & minimis rebus, initia non, antequam Numini Supremo litasset, aggredere: nec successum speraret optatum prius, donec hanc iustitiæ & pietatis rationem, seruasset. Ac non immemor ille INSIGNIVM, cælitus Maioribus suis, viris, & prudenti consilio, & forti dexterâ, & sanctimoniâ vitæ præstantissimis, ad tutandam communem salutem, ad vindicandum, non magis Polonorum decus, quam Ecclesiæ libertatem, & immunitatem, ad propulsandas iniurias subditorum, & ad retinendas vindicias innocentum, collatorum defensor non oppressor, fautor non direptor, propagator non depopulator, cum Florentissimæ Patriæ, tum quos illa tenerimè gremio suo fouet, & cum quorum integritate, suam vigere prosperitatem & diuturnitatem, apud omnes in confesso est, extitit: secus autem, si quid audacter in hæc, quæ tueri debemus omnes, delinqueret: vindictam protinus ceruicibus & iugulis instare cogitauit. Ergone mirabitur aliquis, cur ille nusquam conuellendas Ecclesiæ libertates senserit? nusquam exhauriendum esse Patrimonium Christi in animum induxerit? nusquam reddendos Ministris DEI proventus, aut retinuerit, aut impugnauerit, aut non vindicauerit? at semper auxerit, defenderit, nec minutis, & vilibus rebus, (iuxta Licurgi leges) verum puritate mentis, Cælites coluerit? Certè quamuis Maiorum suorum vestigijs hic instituerit, & præ oculis habuerit Moderatoris DEI indignationem, legum suarum transgressoribus comminantem, & verius de illis poenas, quàm fabulosus olim Apollo, ob nudatum se veste aureâ, aut Iuno Lucina; ob tegulam è suo templo in ædem Fortunæ translatam, de Quinctio Fulvio, vt præteream, Cyxri filium cogitantem diripere fanum Ammonis: re-

peten-

petentem: nihilominus hæc, cum maximè fecisse, quia DE-
VM Conditorem vniuersi integerrimè dilexerit, iudicemus.
Hic nimirum est solidioris pietatis excellens modus, hoc præ-
sente felicius viget iustitia, firmius radicatur fortitudo, præ-
cellit mansuetudo, fides regnat, abstinencia floret, innocen-
tia, sapientia, comitas, cæteræq; virtutes triumphant. Hoc præ-
sente grassantur iniuriæ, serpit malus diuturnitatis custos me-
tus, ebullit ferocitas, intumescit perfidia, insolescit luxuries,
scelus, inertia, barbaries, & omnia vitia flagitiaq; in pernici-
em honestatis, famæ bonæ & salutis, conspirant. Hæc ille
semper cum execratus, virtutes autem amplexus fuerit; tum
vera laudis & splendoris ornamenta collegit: tum non minùs
acriter contra hostes religionis, quàm Athenienses in barba-
ros, Eumolpi sancitis obtemperantes, detonuit: & eruditæ
Mineræ deuotos, propensius quàm Agesilaus Bœotios, apud
Coroneam, in eius nominis delubro latentes, defendit, ere-
xit, ornauit. Quis autem, quantum ab eis perpetuò sibi ca-
uisset, quæ in alijs improbaret, aut non minùs proficua con-
silia, componendis affectibus, ac naucleri solis æstum ventis
inimicum, adamauisset: nec vicinis molestus, nec subiectis gra-
uis, nec amicis difficilis fuisset: quis inquam valeat explica-
re? Sed luce clariùs id Familiarium suspiria, domesticorum
gemitus, Ciuium vota, cunctorum mæror & squalor, te-
stantur. Tuum autem ILLV STRISSIME DOMINE:
MICHAEL NICOLAE ZEBRZYDOWSKI, Supreme Regni
Poloniæ Ensis: &c. Carissimi funesto Fratris decessu, affli-
ctum & concussum pectus, inprimis quis non intueatur? Non
enim tu præceptis Socratis eruditus, sed optima præditus in-
dole, neq; adinisti, vt lances in statera, regula morum tuo-
rum haberentur, vbi vno depresso, alterum extollitur: neq;
non meministi Plutarchi doctrinæ, NVLLAM ESSE FRA-
TRIS AMISSI RECVPERATIONEM, VT NEC MANVS
ABLATÆ: ac proinde iustus hic te diuexat dolor, quem a-
mor alit, candor indicat, pietas exprimit, lachrymisq; copio-
sissimis explicat. Angeris vehementer, quia tali fratre, cui vel
Cæli summam promittebant felicitatem, priuatus: in luctu
& squalore, sublato illo, relictus conspiceris. Turbaris! Sed
moderentur tantæ doloris acerbitati, nobilissimæ vitæ fun-
cti actiones: leniat hanc crudelitatem, ob fatum immatu-
rum, in egregio Senatore expeditum, à tot sæculis plurimo-
rum funeribus exercitata, cuius ille sententiam subiit, ne-
cessi-

cessitas. Quod si gloriæ ducerent Pompeij amici, si ille Cæ-
saris manu occumberet; & æquo tulerunt animo Iphei
familiares cum Capanei; non doluerunt Lausi decessum eius
propinqui, dum Æneæ dexterâ; nec Ornuti mors indignita-
ti fuerat, cum Camillæ ferro, sublati visi; Cuius doloris atro-
citatē non leuabit hæc recordatio? Amplissimum hunc Se-
natorem, eius manu sublatum, quæ à primo homine, in o-
mnes potentes & imbecilles, Principes & Reges, in Milites &
Duces, in agrestes & rudes, ac sapientes in profanos & My-
stas, immò in ipsum: O incredibilem audaciam! O scelus!
O portentum! in ipsum inquam fontem vitæ debacchata est.
Eheu mortem indomitam! quæ

Communia toti

*Genti sceptrā tenens, æternāq; fœdera seruans,
Quæ magnos paruosq; teris, quæ fortibus aquas
Imbelles, populisq; Duces, seniumq; iuuentæ.*

At verò, si hæc ingerunt potius acerbitatem mæroris, quam
egerunt; illud certè, omnis exhauriendi & eliminandi dolo-
ris, aptissimum & commodissimum sit argumentum: si non
eripuisse Amplissimo huic Viro, sed dedisse vitam, non eum
extinxisse, sed perpetuis intulisse splendoribus, non corrupis-
se, verum integritati restituisse optatæ, è peregrinatione in
domum reuocatum, è tempestate in portum tranquillitatis,
è naufragio in salutem, è Scyllis & Charybdibus in omnem se-
curitatem translatum censuerimus. Quod si nondum in tu-
to & salutari constitisset portu, quem illi studiosissimè cu-
pimus, in hunc vt quam primùm exponatur, & in illius con-
spectum

*Qui terram inertem, qui mare temperat
Ventosum: & Vrbes Regnaq; tristia,
Diuosq; mortalesq; turbas,
Imperio regit vnus æquo.*

vt citissimè perueniat: eum firma fide, quia potens; ardenti-
bus votis, quia benignus, intimis animis, quia miseri-
cordissimus est; illud purâ & sincerâ mente toties ingeminan-
tes. ABSOLVATUR AB OMNI VINCULO DELICTO-
RVM, ET SIT IN MEMORIA ÆTERNA supplicemus.

D I X I



Mortuus est, quod cuius etiam si inuito contigit. Benè autem mori, hominis voluntarij, & ut conuenit, instituti opus est. Beatus igitur quicumq; non longissimam, sed virtuti coniunctam vitam diligit: etsi tempus breue ætatis, DEVS ei concefferit.

Xenophon Epist. ad Satyr.

Non refert, quot annos habeam, sed quot acceperam, si plus viuere non possum, hæc mea est senectus. Quicumq; ad extremum sui fati venerit, hic moritur senex.

Senec. in Epist.

*Si mors accedit & vocat, licet immatura sit, licet mediam præci-
dat ætatem, perceptus longissimè fructus est.*

Senec. Epist. 79.







